



REPUBLIKA E SHQIPËRISË

KUVENDI

Projekt

LIGJ

Nr.____, datë____.____.2018

PËR

DISA SHTESA DHE NDRYSHIME

NË LIGJIN NR. 9863, DATË 28.1.2008 “PËR USHQIMIN”, I NDRYSHUAR⁽¹⁾

Në mbështetje të neneve, 78, 81 dhe 83 pika 1 të Kushtetutës, me propozim të Këshillit të Ministrave

KUVENDI

I REPUBLIKËS SË SHQIPËRISË

VENDOSI:

Në ligjin nr. 9863, datë 28.1.2008 “Për Ushqimin”, i ndryshuar, bëhen këto shtesa dhe ndryshime:

Neni 1

Në të gjithë ligjin, emërtimi “Ministri i Bujqësisë, Ushqimit dhe Mbrojtjes së Konsumatorit” zëvendësohet me emërtimin “Ministri” dhe fjalët “nxirret në treg” zëvendësohen me fjalët “vendoset në treg”.

I Ky ligj është përafuar pjesërisht me:

Rregullorja nr. 178/2002/EC e Parlamentit Europian dhe Keshillit e 28 Janar 2002 parimet e pergjithshme dhe kerkesat e ligjit te ushqimit, krijimi i Autoritetit Europian te Sigurise Ushqimore dhe nxjerrja e procedurave te çeshtjet e sigurise ushqimore, CELEX 2002R0178;

Rregullorja nr. 852/2004/EC e Parlamentit Europian dhe Keshillit e 29 Prill 2004 mbi higjienën ushqimore; CELEX 2004R0852.

Rregullorja 853/2004/EC e Parlamentit Europian dhe Keshillit e 29 Prill 2004 mbi rregullat specifike të higjienës së produkteve ushqimore; CELEX 2004R0853.

Rregullorja nr. 882/2004/EC e Parlamentit Europian dhe Keshillit e 29 Prill 2004 mbi kontrollin zyrtar të kryer për të verifikuar përpuethshmërinë me ushqimin dhe ushqimin për kafshë, shëndetin dhe mirëqënien e kafshëve.

Neni 2

1. Në nenin 3 bëhen këto shtesa dhe ndryshime:

1.1. Në fillim të nenit fjalët “Në këtë ligj termat e mëposhtëm kanë këto kuptime” zëvendësohet me fjalët “Për qëllimin e këtij ligji, shprehjet e mëposhtme kanë këto kuptime”.

1.2 Në pikën 1, pika i katërt, shkronja “b” ndryshohet si më poshtë:

“b) Kafshët e gjalla, përveçse kur janë përgatitur për tu vendosur në treg për konsum njerëzor.”

1.3 Në paragrafin 1, fjalia e nëntë, shkronja “e” ndryshohet si më poshtë:

“e) substancat narkotike dhe psokotropike ne kuptimin e Konventes se Vetme te Kombeve te Bashkuara ne Ilaçet Narkotike, 1961, dhe Konventes se Kombeteve te Bashkuara ne Substancat Psikotropike, 1971.”

1.4 Në pikën 7, fjala "Shitje" zëvendësohet me fjalën “Tregtim”.

1.5. Pika 21 ndryshohet si më poshtë:

“21. “Higjiena e ushqimit” janë mënyrat, masat dhe kushtet e nevojshme për kontrollin e dëmtuesve dhe për të siguruar përshtatshmërinë për konsum njerëzor të ushqimit duke patur parasysh qëllimin e përdorimit të tij.

1.6. Pas pikës 37, shtohen shtohen pikat 38-55 si më poshtë:

38. “Monitorim” është kryerja sistematike e një serie të planifikuar vëzhgimesh ose matjesh me qëllim për të patur një panoramë të gjendjes së përputhshmërisë me kërkesat e ligjit të ushqimit;

39. “Mbikqyrje” është një vëzhgim sistematik i një ose më shumë operatorëve të biznesit të ushqimit dhe ushqimit për kafshë ose aktivitetit të tyre;

40. “Auditim” është një shqyrtim sistematik dhe i pavarur për të përcaktuar nëse veprimet dhe rezultatet e tyre përputhen me masat e planifikuara dhe nëse këto masa janë zbatuar në mënyrë efektive dhe janë të përshtatshme për arritjen e objektivave.

41. “Verifikim” është kontrolli, nëpërmjet shqyrtimit dhe marrjes në konsideratë të provave objektive, nëse kërkesat e specifikuara janë plotësuar;

42. “Inspektim” është kontrolli i çdo aspekti të ushqimit dhe ushqimit për kafshë, i stabilimenteve dhe veprimtarisë së operatorëve të biznesit të ushqimit dhe ushqimit për kafshë për të verifikuar përputhjen me këtë ligj dhe legjislacionit në fuqi;

43. “Marrja e mostrave për analizë” është marrja e ushqimit ose ushqimit për kafshë ose çdo substance tjetër, përfshirë edhe ambientin të lidhur me prodhimin, përpunimin dhe shpërndarjen e ushqimit ose ushqimit për kafshë për të verifikuar nëpërmjet analizave përputhjen me legjislacionin në fuqi;

44. “Pikë e Inspektimit Kufitar” është çdo aeroport, port, stacion hekurudhor, pikë kontrolli në tokë e përcaktuar për kryerjen e kontrollit të ushqimeve dhe ushqimeve për kafshë që mbërrijnë në kufirin e territorit të Republikës së Shqipërisë.

45. “Produkt me origjinë shtazore” është mishi, pjesë të trupit të kafshëve, gjaku, qumështi, vezët, mjalti e produktet e tjera nga bleta, gjarpërinjtë, bretkocat, midhjet, molusqet bivalvore dhe prodhimet e tjera të detit të gjalla apo pjesë të tyre, që përdoren për konsum njerëzor, çdo kafshë tjetër që përgatitet për t’u shërbyer e gjallë tek konsumatori i fundit si dhe çdo ushqim që i përmban ato në formë të papërpunuar, gjysmë të përpunuar apo të përpunuar;

46. “Çertifikatë e shëndetit” është dokumenti zyrtar në formë të shkruar, elektronike ose në një mënyrë ekuivalente që vërteton përputhshmërinë e ushqimit dhe ushqimit për kafshë me legjislacionin ushqimor në fuqi në Republikën e Shqipërisë;
47. “Bllokim” është procedura nëpërmjet të cilës organi i kontrollit zyrtar siguron që ushqimi apo ushqimi për kafshë nuk lëvizet apo tjetërsohet në pritje të një vendimi përfundimtar për destinacionin e tij. Bllokimi përfshin edhe magazinimin dhe mbajtjen në ruajtje nga vetë operatori i biznesit të ushqimit apo ushqimit për kafshë, sipas udhëzimeve të dhëna nga organi i kontrollit zyrtar;
48. “Ligji i liçencave” është ligji nr. 10 081, datë 23.02.2009 për “Liçesat, lejet dhe autorizimet në Republikën e Shqipërisë”;
49. “Liçencë” është liçenca sipas përcaktimit të ligjit të liçencave.
50. “Ligji i inspektimit” është ligji nr. 10433, datë 16.06.2011 “Për inspektimin në Republikën e Shqipërisë”;
51. “Ministria” është Ministria përgjegjëse për ushqimin.
52. “Ministri” është Ministri përgjegjës për ushqimin;
53. “Autoriteti kompetent qëndror” është drejtoria përgjegjëse për sigurinë ushqimore.
54. “Autoriteti kompetent përgjegjës për kontrollin zyrtar” është Autoriteti Kombëtar i Ushqimit.
55. “Autoriteti kompetent përgjegjës për PIK” është institucioni përgjegjës për administrimin dhe kontrollin në PIK të ushqimit dhe ushqimit për kafshë sipas këtij ligji;

Neni 3

Neni 4 ndryshon si më poshtë:

“Neni 4 Analiza e riskut

1. Marrja e masave të përgjithshme, e masave të veçanta si dhe ushtrimi i kontrollit zyrtar për arritjen e qëllimit të këtij ligji, bazohet në analizën e riskut, përveçse kur kjo është e papërshtatshme për shkak të rrethanave apo natyrës së masës.
2. Analiza e riskut përfshin vlerësimin, komunikimin dhe menaxhimin e riskut.
3. Procedura për funksionimin e sistemit të analizës së riskut, përcaktohet me vendim të Këshillit të Ministrave.”

Neni 4

Pas nenit 4, shtohet neni 4/1 me këtë përmbajtje:

“Neni 4/1 Vlerësimi i riskut

1. Vlerësimi i riskut bazohet në provat dhe rezultatet shkencore të disponueshme dhe të marra në mënyrë të pavarur, objektive dhe transparente.
2. Vlerësimi i riskut sipas pikat 1 të këtij neni, kryhet nga Komiteti Shkencor i Vlerësimit të Riskut dhe panelet shkencore.

Neni 5

Neni 5, ndryshon si vijon:

“Neni 5 Komunikimi i riskut

1. Komunikimi i riskut siguron shkëmbimin e ndërsjelltë të informacionit dhe të vlerësimit mbi dëmtuesit, risqet, faktorët e lidhur me riskun dhe perceptimin e tij, gjatë gjithë procesit të analizës të riskut.
2. Çdo institucion shtetëror detyrohet t’i japë Autoritetit Kombëtar të Ushqimit (AKU), vetë apo me kërkesën e saj, informacion lidhur me riskun sipas pikat 1 të këtij neni, si dhe me kërkesë të AKU-së, të bashkëpunojë për analizën e riskut. AKU krijon dhe drejton sistemin e informimit të shpejtë në lidhje me riskun.
3. Informacioni lidhur me riskun përcillet nga AKU në ministri. Ky informacion i përcillet Ministrisë së Shëndetësisë dhe Mbrojtjes Sociale dhe Institutit të Shëndetit Publik sa herë të kërkohet nga këto institucione.
4. Komunikimi i riskut tek konsumatorët kryhet nga Ministria, e cilat është përgjegjëse për shkëmbimin e informacionit dhe komunikimin edhe me strukturat homologe të shteteve të tjera apo organizatat ndërkombëtare.

Neni 6

Neni 6, ndryshohet si më poshtë:

“Neni 6 Menaxhimi i riskut

1. Marrja e masave për menaxhimin e riskut bazohet në rezultatet e vlerësimit të riskut dhe në parimin e parandalimit sipas nenit 7, të këtij ligji.
2. Menaxhimi i riskut kryhet nga:
 - a) Ministria, nëpërmjet propozimit të akteve ligjore dhe nënligjore, miratimit të akteve nga Ministri apo marrjes së masave të tjera të përgjithëshme sipas përcaktimit të nenit 48 të këtij ligji;
 - b) AKU nëpërmjet zbatimit të masave të miratuara sipas shkronjës “a” të kësaj pike, kryerjes së kontrollit zyrtar dhe marrjes së masave të posaçme sipas këtij ligji.

Neni 7

Neni 8, ndryshohet si më poshtë:

“Neni 8
Parimi i transparencës

1. Ministria dhe AKU, në mënyrë të drejtpërdrejtë ose nëpërmjet përfaqësuesve të konsumatorëve dhe/ose të grupeve të interesit, gjatë përgatitjes, vlerësimit dhe rishikimit të masave të menaxhimit të riskut, kryen këshillim publik të hapur dhe transparent, me përjashtim të rasteve të pamundësisë për shkak të urgjencës.
2. Kur ka dyshime të arsyeshme së ushqimi ose ushqimi për kafshë mund të paraqesë një rrezik për shëndetin e njerëzve ose të kafshëve në varësi të natyrës, seriozitetit dhe shkallës së këtij rreziku, Ministria informon publikun për natyrën e rrezikut.
3. Informacioni sipas pikat 2 të këtij neni, përfshin identifikimin e ushqimit ose ushqimit për kafshë, rrezikun që ai mund të paraqesë, si dhe masat e marra ose që mund të merren për të parandaluar, zvogëluar ose zhdukur këtë rrezik.”

Neni 8

Neni 16, ndryshohet si më poshtë:

“Neni 16
Kontrolli i ushqimeve në pikat e inspektimit kufitar

1. Kontrolli zyrtar i ushqimeve që importohen, eksportohen apo kalojnë tranzit në territorin e Republikës së Shqipërisë, kryhet në pikat e inspektimit kufitar (PIK) nga inspektori i PIK-ut. Kontrolli i ngarkesave të ushqimit me origjinë shtazore në PIK kryhet nga inspektori veterinar i PIK-ut. Operatori i biznesit ushqimor njofton PIK të paktën 1 ditë përpara mbërritjes së ngarkesës.
2. Në rast dyshimesh lidhur me origjinën apo destinacionin e ngarkesës, dokumentacionin shoqërues, përputhshmërinë ndërmjet tyre si dhe me përputhshmërinë me kërkesat e detyrueshme të legjislacionit në fuqi ushqimor apo atij veterinar, inspektori në PIK njofton Autoritetin Kompetent përgjegjës për PIK për marrjen e një nga masave të posaçme urgjente sipas nenit 43 të këtij ligji, deri në marrjen e një vendimi përfundimtar.
3. Në rast se çmohet që ngarkesa nuk është në përputhje me kërkesat e detyrueshme sipas legjislacionit ushqimor apo atij veterinar, ngarkesa ndalohet të importohet, tranzitohet apo eksportohet. Përjashtimisht, me kërkesë të operatorit dhe nëse çmohet se operatori ka kapacitetet e nevojshme, AKU-ja mund të lejoje importin dhe të autorizojë një nga masat e parashikuara në shkronjën “b” dhe “c” të pikat 2 të nenit 43/2 të këtij ligji.
4. Nëse ngarkesa e importuar është në përputhje me kërkesat e detyrueshme të legjislacionit ushqimor apo atij veterinar, inspektori i PIK lëshon dokumentacionin përkatës të pranimit. Ngarkesa mund të transportohet brenda territorit të vendit apo të vendoset në treg, vetëm nëse përmban vërtetimin e pranimit. Procedura për lëshimin dhe forma e vërtetimit të pranimit miratohet me urdhër të Ministrit.

5. Ngarkesa e ushqimeve, për të cilën ka dyshime, duhet të mbahet në ruajtje, brenda standardeve të lejuara, në magazinat doganore derisa të kryhen procedura e përcaktimit të sigurisë së tyre dhe procedura doganore.

6. Autoriteti doganor bashkëpunon me inspektorin në PIK gjatë kryerjes së kontrollit zyrtar në PIK dhe kryen procedurat doganore për ngarkesat ushqimore vetëm pasi inspektori në PIK të japë miratimin.

7. Shpenzimet për marrjen e mostrave dhe për kryerjen e analizave laboratorike, të nevojshme për inspektimin e ngarkesave në PIK, përballohen nga operatori i biznesit ushqimor përgjegjës për ngarkesën. Tarifat përcaktohen me udhëzim të përbashkët të Ministrisë dhe Ministrisë të Financave.

8. Pikat e inspektimit kufitar për importin, eksportin apo tranzitin e ngarkesave të ushqimeve apo për tipe të veçanta ngarkesash si dhe procedurat dhe teknikat e kontrollit në PIK përcaktohen me urdhër të Ministrisë.”

Neni 9

Neni 17 shfuqizohet.

Neni 10

Neni 18, ndryshohet si më poshtë:

“Neni 18

Dokumentacioni i importit dhe eksportit

1. Ngarkesa e ushqimit të importuar apo që tranzitohet në territorin e Republikës së Shqipërisë shoqërohet me dokumentacion që vërteton sigurinë dhe origjinën e ngarkesës të lëshuar nga autoriteti kompetent i vendit eksportues.

2. Për ushqimin me origjinë shtazore që importohet, certifikatat veterinarë të ngarkesave mund të njihen në mbështetje të marrëveshjeve dypalëshe dhe shumëpalëshe, të lëshuara nga autoriteti kompetent i vendit eksportues.

3. Certifikatat shëndetësore veterinarë që shoqërojnë ngarkesat me origjinë shtazore të jetë në gjuhën shqipe dhe në gjuhën e vendit eksportues.

4. Në rast se nuk ka marrëveshje, sipas pikës 2 të këtij neni, njohja e certifikatave kryhet me urdhër të Ministrisë pas dakortësisë midis autoriteteve kompetente të të dy vendeve.

5. Ngarkesa e ushqimit që eksportohet nga Shqipëria shoqërohet me dokumentacionin, që vërteton sigurinë dhe origjinën e ngarkesës. Dokumenti i cili vërteton sigurinë e ngarkesës lëshohet nga AKU-ja dhe forma e tij miratohet me urdhër të Ministrisë, pas dakortësisë midis autoriteteve kompetente të të dy vendeve.

6. Dokumentacioni që shoqëron produktet ushqimore me origjinë jo shtazore përcaktohet me urdhër të ministrisë.

7. Modeli tip i certifikatave shëndetësore veterinarë miratohet me urdhër të ministrisë.

Neni 11

Neni 19, ndryshohet si më poshtë:

“Neni 19

Liçencimi dhe pezullimi dhe/ose revokimi i licencës së
operatorëve dhe stabilimenteve të ushqimit

1. Veprimtaritë e parashikuara në këtë ligj, përfshihen në kategorinë II.1 të shtojcës së Ligjit nr. 10081, datë 23.2.2009 “Për licencat, autorizimet dhe lejet në Republikën e Shqipërisë”. Liçencimi i këtyre veprimtarive bëhet sipas ligjit nr.10 081, datë 23.2.2009 “Për licencat, autorizimet dhe lejet në Republikën e Shqipërisë”.

2. Liçencimi i operatorit të biznesit ushqimor që kryen veprimtaritë e përcaktuara në pikën 1 të këtij neni bëhet veçmas për çdo stabiliment dhe vetëm nëse operatori plotëson kriteret e liçencimit.

3. AKU mund të pezullojë dhe/apo revokojë licencën, në përputhje me pikën 1 të këtij neni në rastet kur:

- a) gjatë kontrollit rezulton se nuk plotësohen kushtet dhe kriteret për të cilat është dhënë licenca;
- b) ka një rrezik serioz për shëndetin publik dhe është e nevojshme e urgjente marrja e masave parandaluese.

Neni 12

Neni 20, ndryshohet si më poshtë:

“Neni 20

Identifikimi i operatorëve të biznesit ushqimor

1. Çdo stabiliment i liçencuar identifikohet me një numer unik identifikimi për qëllimet e sigurisë ushqimore.

2. Rregullat për përmbajtjen e numrit unik të identifikimit dhe regjistrin përkatës të stabilimenteve të liçensuara, përcaktohen me udhëzim të Ministrit.

3. Operatorët e biznesit ushqimor shënojnë numrin unik të identifikimit të stabilimentit në etiketë, në shenjat e tjera të barazvlefshme dhe në dokumentacionin shoqërues të ushqimit që prodhojnë apo përpunojnë.”

Neni 13

Neni 25, ndryshohet si më poshtë:

Neni 25

Kërkesat për gjurmueshmërinë e ushqimeve dhe ushqimeve për kafshë

1. Operatori i biznesit ushqimor dhe ushqimit për kafshë, krijon dhe mban informacionin e nevojshëm për gjurmueshmërinë, në të gjitha fazat e prodhimit, të përpunimit dhe të shpërndarjes së ushqimit.
2. Informacioni i nevojshëm për gjurmueshmërinë përfshin këto të dhëna:
 - a) identitetin e çdo subjekti tregtar/personi juridik apo fizik nga i cili operatori i biznesit ushqimor është furnizuar me ushqim, ushqim për kafshë dhe kafshë që prodhojnë ushqim, si dhe çdo substance tjetër, të destinuar apo që pritet të bëhet pjesë e ushqimit;
 - b) identitetin e çdo subjekti tregtar të cilin operatori i biznesit ushqimor e ka furnizur me prodhimet e tij.
3. Operatori i biznesit ushqimor i ruan të dhënat e përcaktuara në pikën 2 të këtij neni për jo më pak se tre vjet dhe siguron që këto të dhëna t'i jepen menjëherë AKU-së me kërkesën e saj.
4. Ushqimi i nxjerrë në treg ose që mund të nxirret në treg etiketohet dhe identifikohet nëpërmjet dokumenteve dhe çdo lloj informacioni tjetër për të siguruar gjurmueshmërinë.
5. Për të siguruar gjurmueshmërinë, ushqimi dhe ushqimi për kafshë i vendosur në treg ose që mund të vendoset në treg, etiketohet sipas nenit 36 të këtij ligji si dhe identifikohet nëpërmjet dokumenteve dhe çdo lloj informacioni tjetër.
6. Kërkesat për sistemin e gjurmueshmërisë sipas llojit të operatorit apo sektorit përkatës, përcaktohen me vendim të Këshillit të Ministrave me propozim të Ministrit.

Neni 14

Pika 2 i nenit 37, shfuqizohet.

Neni 15

Neni 38, ndryshohet si më poshtë:

“Neni 38

Kontrolli zyrtar i ushqimit

1. Kontrolli zyrtar i ushqimit kryhet në të gjitha fazat e prodhimit, përpunimit dhe shpërndarjes me qëllim verifikimin e përputhshmërisë me kërkesat e detyrueshme të legjislacionit ushqimor.
2. Kontrolli zyrtar i ushqimit, në fushën e veprimit të këtij ligji, përfshin kontrollin e operatorëve të ushqimit, përdorimin e ushqimit, ruajtjen dhe magazinimin e tij, çdo veprimtari, përfshirë transportin si dhe çdo proces, material apo substancë të cilave ushqimi i nënshtrohet.
3. Kontrolli zyrtar kryhet nga inspektorët e AKU-së.
4. Me përjashtim të rasteve të rregulluara me ligje të veçanta, llojet dhe normat e lejueshme lidhur me mbetjet e pesticideve dhe medikamenteve veterinarë në ushqime, me përdorimin dhe pastërtinë e aditivëve ushqimorë, materialet në kontakt me ushqimin, kontaminuesit ushqimorë, enzimat, ushqimet për fëmijë, ekstraktet tretëse, ushqimet për përdorim me vlera ushqimore të caktuara, ushqimet me ngrirje të shpejtë, rrezatimet jonizuese, ujrat minerale, substancat pastruese si dhe çdo substancë që destinohet të bëhet pjesë e ushqimit apo të jetë në kontakt me të, kërkesat thelbësore që duhet të përmbushin produktet të veçanta ushqimore, rregullat

specifike te etiketimit per ushqime e veçanta si dhe me semundjet e transmetuara nga ushqimet, rregullat higjienike, sistemi i kontrollit ne tregun e brendshëm, rregullat specifike për produktet ushqimore me origjinë shtazore, çertifikimi i sistemit TRACES miratohen me udhëzim të Ministrit”.

Neni 16

Neni 39, shfuqizohet.

Neni 17

Neni 40, ndryshohet si më poshtë:

“Neni 40

Planifikimi dhe procedura e kontrollit zyrtar

1. Kontrolli zyrtar kryhet në përputhje me rregullat e parashikuara në ligjin e inspektimit.
2. Kontrolli zyrtar kryhet rregullisht (në mënyrë periodike), në bazë të vlerësimit të riskut dhe, duke patur parapsysh këta faktorë:
 - a) risqet e identifikuara që lidhen me ushqimin, me operatorin e biznesit ushqimor, me përdorimin e ushqimit dhe me çdo veprimtari që mund të ndikojë në sigurinë ushqimore;
 - b) historikun e operatorit të biznesit ushqimor lidhur me përputhshmërinë me kërkesat e legjislacionit ushqimor në fuqi;
 - c) besueshmërinë e verifikimeve të kryera më parë nga vetë operatori i biznesit ushqimor;
 - ç) çdo informacion, që disponohet nga AKU, për mosrespektimin e kërkesave të legjislacionit ushqimor.
3. Kontrolli zyrtar kryhet pa njoftim paraprak, me përjashtim të rasteve të auditit.
4. Programi vjetor dhe shumëvjeçar i inspektimeve në bazë të riskut si dhe mënyra e raportimit përcaktohen me urdhër të Ministrit

Neni 18

Neni 41, ndryshohet si më poshtë:

“Neni 41

Veprimtaritë, metodat dhe teknikat e kontrollit zyrtar

1. Kontrolli zyrtar i ushqimit kryhet duke përdorur metoda dhe teknika të përshtatshme kontrolli, përfshirë: monitorimin, mbikqyrjen, verifikimin, auditimin, inspektimin, marrjen e mostrave dhe kryerjen e analizave.
2. Kontrolli zyrtar i ushqimit përfshin, veçanërisht, veprimtaritë e mëposhtme.
 - a) Inspektimin e:
 - i. Stabilimenteve të prodhuesve të produktit primar, operatorit të biznesit ushqimor duke përfshirë edhe rrethinat, godinat, pajisjet, instalimet dhe makineritë, transportin, si dhe ushqimin dhe ushqimin për kafshë;

- ii. Lëndëve të para, ujit, përbërësve, aditivëve, shtesave teknologjike dhe substancave të tjera, të përdorura për përgatitjen dhe prodhimin e ushqimit dhe ushqimit për kafshë;
 - iii. Produkteve gjysëm të gatshme;
 - iv. Materialeve dhe artikujve në kontakt me ushqimin;
 - v. Procedurën e pastrimit, substancave pastruese dhe të mirëmbajtjes që përdoren në proceset e prodhimit;
 - vi. Etiketimit, prezantimit dhe reklamimit.
- b) Kontrollin për përputhshmërinë me;
- (i) rregullat për etiketimin dhe përputhshmërinë ndërmjet ushqimit dhe përmbajtjes të etiketës apo dokumentit shoqërues të tij;
 - (ii) kërkesat e këtij ligji për respektimin e origjinës për produktet me tregues gjeografik të mbrojtur dhe Treguesin “produkt ushqimor tradicional”;
 - (iii) kërkesat e sistemit të gjurmueshmërisë;
- c) Auditin e procedurave mbi Praktikat e Mira të Prodhimit, Praktikat e Mira të Higjienës, Praktikat e Mira Bujqësore dhe HACCP;
- ç) Shqyrtimin e dokumentave dhe të dhënave të tjera të cilat mund të jenë të rëndësishme për vlerësimin dhe përputhshmërinë me kërkesat e detyrueshme sipas këtij ligji;
- ë) Kontrollin e përputhshmërinë me këtë ligj për Ushqimet e Reja dhe OMGJ për njerëz dhe kafshë;
- g) Çdo aktivitet tjetër që kërkohet për të siguruar përputhshmërinë me këtë ligj;
3. Procedurat e detajuara për metodat dhe teknikat e inspektimit miratohen me urdhër të Ministrit.”

Neni 19

Neni 43, ndryshohet si më poshtë:

“Neni 43

Masat e posaçme urgjente në rast dyshimi

1. Gjatë kontrollit zyrtar, nëse ka një dyshim të arsyeshëm për shkelje të kërkesave të këtij ligji dhe është e nevojshme kryerja e verifikimeve të mëtejshme dokumentare apo marrja e mostrave për analize deri në marrjen e një vendimi përfundimtar, AKU mund të marrë një apo disa nga masat urgjente me karakter të ndërmjetëm të parashikuara në nenin 43 të Ligjit për Inspektimin.
2. Në mënyrë të veçantë AKU mund të marrë këto masa urgjente:
 - a) pezullimin e perkohshëm të prodhimit;
 - b) ndalimin e vendosjes në treg të një partie ushqimi të importuar ose eksportin e saj;
 - c) bllokimin e një partie ushqimi;
 - ç) urdhërimin e operatorit të biznesit ushqimor të njoftojë konsumatorët apo publikun për rreziqet e mundshme që mund të paraqesë ushqimi apo përdorimi i tij në një mënyrë të caktuar;
 - d) pezullimin e plotë apo të pjesshëm të veprimtarisë të operatorit të biznesit ushqimor apo stabilimentit;

Neni 20

Pas nenit 43, shtohet neni 43/1:

“Neni 43/1

Masat dhe sanksionet e posaçme administrative për operatorët e biznesit ushqimor

1. Në rast të konstatimit gjatë kontrollit zyrtar, të mospërputhshmërisë me kushtet e legjislacionit ushqimor dhe veterinar, AKU merr masa ndaj operatorit të biznesit ushqimor, sipas nenit 68 të këtij ligji.
2. Nëse është e nevojshme, së bashku me dënimin përkatës AKU urdhëron operatorin e biznesit ushqimor për marrjen e masave për korrigjimin e shkeljeve të konstatuara dhe eliminimin e pasojave të tyre brenda një afati të përcaktuar. AKU vendos gjithashtu edhe pezullimin e liçencës apo një nga masat e posaçme sipas nenit 43 të këtij ligji, deri në korrigjimin e mospërputhshmërisë nga operatori i biznesit ushqimor.
3. Në rast të shkeljeve të rënda, përsëritjes së shkeljeve apo nëse është vendosur më parë masa e pezullimit të liçencës apo nëse operatori nuk paraqet garanci për korrigjimin e mëtejshëm të veprimeve të tij në kundërshtim me kushtet e legjislacionit ushqimor, AKU bën revokimin e liçencës dhe njofton QKB-ne, në përputhje me legjislacionit për liçencat.
4. Përbën shkelje të rëndë sipas pikat 3 të këtij neni, nëse operatori i biznesit ushqimor vendos në treg ushqim i cili është vërtetuar, sipas dispozitave të këtij ligji, se ka shkaktuar dëm në shëndetin e njeriut apo mund të përbënte rrezik potencial për jetën e tij.

Neni 21

Pas nenit 43/1 shtohet neni 43/2 me këtë përmbajtje:

“Neni 43/2

Masat e posaçme për trajtimin e ushqimit të pasigurtë

1. Nëse vlerësohet se ushqimi apo ushqimi për kafshë nuk plotëson kërkesat e sigurisë dhe higjienës sipas këtij ligji, AKU vendos:
 - a) ndalimin e prodhimit të mëtejshëm;
 - b) ndalimin e vendosjes në treg të një partie ushqimi të importuar ose eksportin e saj;
 - c) tërheqjen nga tregu si dhe informimin e konsumatorit, nëse një parti ushqimi apo ushqimi për kafshë e cila nuk i plotëson kërkesat e sigurisë dhe higjienës është vendosur në treg.
2. Ushqimi që nuk plotëson kërkesat e sigurisë dhe higjienës sipas legjislacionit, bllokohet dhe sipas rastit AKU vendos:
 - a) asgjësimin;
 - b) autorizimin e nënshtrimit të një trajtimi të posaçëm që e bën ushqimin të sigurt dhe të përshtatshëm për përdorim sipas qëllimit fillestar;
 - c) autorizimin e përdorimit për qëllime të tjera duke përjashtuar qëllimin fillestar.

3. Masat e përcaktuara në shkronjën “b” të pikës 1 dhe 2 të këtij neni zbatohen nga operatori përgjegjës nën mbikqyrjen e AKU-së.

4. Nëse operatori i biznesit ushqimor, nuk zbaton vullnetarisht apo nuk zbaton në mënyrë të përshtatshme vendimin e parashikuar në shkronjën “b” të pikës 1 dhe 2 të këtij neni, masa zbatohet nga AKU me shpenzimet e këtij operatorit përgjegjës.

5. Asgjësimi sipas pikat 2 të këtij neni, bëhet në kushte të posaçme që sigurojnë mbrojtjen e shëndetit të njerëzve, shëndetit dhe mirëqënies së kafshëve dhe mbrojtjen e mjedisit. Nëse operatori nuk paraqet garanci për asgjësimin në kushtet e posaçme, asgjësimi bëhet nga AKU me shpenzimet e operatorit përgjegjës. Procedurat dhe kushtet e detajuara të procesit të asgjësimit përcaktohen me vendim të Këshillit të Ministrave.

Neni 22

Pas nenit 43/2 shtohet neni 43/3 me këtë përmbajtje:

“Neni 43/3

Plani i monitorimit të mbetjeve

1. Mbetja e produkteve të mbrojtjes së bimëve në produktet me origjinë bimore duhet brenda kufijve maksimalë të lejuar të tyre në ushqimet me origjinë bimore.
2. Qumështi lëndë e parë duhet të plotësoj standardin e përmbajtjes së mikroflorës së përgjithshme dhe të përmbajtjes së qelizave somatike.
3. Plani Kombëtar i Monitorimit të Mbetjeve në Produktet me origjinë bimore dhe Plani Kombëtar i Monitorimit të qumështit lëndë e parë miratohen me urdhëra të ministrit.

Neni 23

Në nenin 45, në pikën 1, gërma c) shfuqizohet dhe në pikën 4, hiqet fjala “për të lëshuar certifikatë ndërkombëtare”.

Neni 24

Në nenin 46 pas gërmës ç) të pikës 3 shtohet pika 3.1 si më poshtë:

“3.1. Ministri mund të përcaktojë si laborator reference edhe laboratorë të tjerë të akredituar, jashtë Institutit të Sigurisë Ushqimore dhe Veterinarisë.”

Neni 25

Neni 47 ndryshohet si vijon:

Neni 47

Plani i përgjithshëm për menaxhimin e krizave

1. Menaxhimi i krizave bëhet në bazë të një plani të përgjithshëm për trajtimin e krizave në fushën e sigurisë ushqimore.
2. Plani i përgjithshëm për trajtimin e krizave në fushën e sigurisë ushqimore miratohet me urdhër të Ministrit dhe përcakton:
 - a) llojet e riskut me origjinë ushqimore të cilat mund të rrezikojnë, drejtpërdrejt ose tërthorazi, shëndetin e njerëzve dhe që nuk mund të parandalohen, eliminohen apo reduktohen deri në një nivel të pranueshëm, nëpërmjet zbatimit të dispozitave, të parashikuara në këtë ligj;
 - b) procedurat praktike thelbësore për trajtimin e një krize;
 - c) ngritjen e një njësie për menaxhimin e krizave pranë Ministrisë;
 - d) strategjinë e komunikimit në rastet e krizave ndërmjet Ministrisë dhe institucioneve të tjera përgjegjëse, konsumatorit dhe operatorëve të biznesit të ushqimit dhe të ushqimit për kafshë.

Neni 26

Neni 48 ndryshohet si vijon:

“Neni 48

Masa të përgjithshme për garantimin e sigurisë ushqimore

1. Kur çmohet se një ushqim apo ushqim për kafshë paraqet një rrezik serioz për shëndetin e njerëzve, shëndetin e kafshëve apo për mjedisin dhe se një rrezik i tillë nuk mund të parandalohet, reduktohet apo eliminohet, në varësi të shkallës së rëndësisë së gjendjes, Ministri urdhëron marrjen e masave të përgjithshme, sipas pikat 2 dhe 3 të këtij neni.
2. Në rastin e ushqimit të prodhuar në vend, mund të merren këto masa:
 - a) ndalimi i përkohshëm i hedhjes në treg ose i përdorimit të një ushqimi;
 - b) përcaktimi i kushteve të veçanta për hedhjen në treg të një ushqimi të caktuar;
 - c) asgjësimi i ushqimeve, pa shkaktuar dëme sipas pikës 5 të nenit 43/2;
 - ç) çdo masë tjetër të përkohshme dhe propocionale;
3. Në rastin e ushqimit nga importi, mund të merren këto masa:
 - a) ndalimi i përkohshëm i importit të ushqimit nga vendet eksportuese ose nga pjesë të vendit eksportues ose të vendeve transit;
 - b) përcaktimi i masave të veçanta për ushqime specifike nga vendet eksportuese, pjesë të vendeve eksportuese ose nga vendet transit;
 - c) asgjësimin e ushqimeve pa shkaktuar dëme sipas pikës 5 të nenit 43/2;
 - ç) çdo masë tjetër të përkohshme dhe proporcionale;
4. Pika 2 dhe 3 i nenit 7 të këtij ligji zbatohen me ndryshimet përkatëse, për masat e parashikuara në këtë nen.”

Neni 27

Në nenin 50 bëhen këto ndryshime:

1. Në pikën 2, pas shkronjës dh) shtohet shkronja e) me këtë përmbajtje:

“e) aditivët në ushqimin për kafshë, ushqimin e përbërë për kafshë, materialet e ushqimit për kafshë, substanca të padëshirueshme, ushqim për kafshë i përcaktuar për qëllime ushqimore të veçanta, produkte të caktuara të përdorura si vlera ushqimore për kafshë (bioproteinat), ushqim i trajtuar me medikamente.”

2. Pas pikës 2 shtohet pika 3 si më poshtë:

“3. Dispozitat e nenit 11 të këtij ligji, zbatohen edhe për përcaktimin e kriterëve të sigurisë të ushqimeve për kafshë.”

Neni 28

Neni 51 ndryshohet si më poshtë:

“Neni 51

Importi, eksporti dhe kontrolli i ushqimit për kafshë

Nenet 14, 15, 16 dhe 18 të këtij ligji zbatohen edhe për importin, eksportin dhe kontrollin e ushqimit për kafshë në Republikën e Shqipërisë”.

Neni 29

Neni 57 ndryshohet si më poshtë:

“Neni 57

Kontrolli zyrtar i ushqimit për kafshë

Dispozitat e neneve 38, 40, 41 , 43/1 dhe 43/2 të këtij ligji zbatohen edhe për kontrollin zyrtar të ushqimit për kafshë.”

Neni 30

Neni 58 shfuqizohet.

Neni 31

Neni 59 ndryshohet si më poshtë:

“Neni 59

Laboratorët e autorizuar të kontrollit dhe të referencës

Dispozitat e neneve 44, 45 dhe 46 të këtij ligji zbatohen edhe për laboratorët e autorizuar të kontrollit dhe të referencës të ushqimit për kafshë.”

Neni 32

Në nenin 61, pika 3 dhe 6 shfuqizohen.

Neni 33

Neni 62 ndryshohet si më poshtë:

“Neni 62

Fusha e veprimtarisë së AKU-së

1. AKU-ja është organi shtetëror kompetent për kryerjen e kontrollit zyrtar të ushqimit dhe ushqimit për kafshë në përputhje me këtë ligj. Ajo kryen detyra të tjera në lidhje me shëndetin dhe mirëqënien e kafshëve si dhe të mbrojtjes së bimëve në përputhje me ligjet respektive specifike.
2. Në kuadër të veprimtarisë së vlerësimit të riskut, AKU-ja ka në mënyrë të veçantë këto përgjegjësi:
 - a) kërkon, grumbullon dhe analizon informacionin teknik për karakterizimin dhe monitorimin e riskut, i cili ka ndikim të drejtpërdrejtë ose të tërthortë mbi sigurinë e ushqimit dhe të ushqimit për kafshë;
 - b) bashkëpunon me Institucione të tjera dhe me persona të tjerë juridikë për monitorimin e sigurisë së ushqimit dhe të ushqimit për kafshë;
 - c) kryen veprimtari për identifikimin dhe karakterizimin e riskut për sigurinë e ushqimit dhe të ushqimit për kafshë;
 - d) vendos mënyra të njehsuara të vlerësimit të riskut në të gjitha nivelet e prodhimit, të përpunimit dhe shpërndarjes së ushqimit e të ushqimit për kafshë;
3. Në kuadër të komunikimit të riskut, AKU-ja ka në mënyrë të veçantë këto përgjegjësi:
 - a) informon mbi riskun dhe jep mendimin teknik për Ministrinë, rast pas rasti mbi rreziqet dhe mbi sigurinë e ushqimit dhe të ushqimit për kafshë;
 - b) krijon një sistem informimi të shpejtë dhe për këtë qëllim, merr e dërgon të gjithë informacionin për rreziqet e ushqimit, si dhe krijon një sistem qendror për shkëmbimin e informacionit.
4. Në kuadër të menaxhimit të riskut, AKU-ja bashkëpunon me Ministrinë për bashkërendimin e veprimtarive të përcaktuara në pikën 2 gërma b) të nenit 6 të këtij ligji.
5. AKU-ja gjithashtu kryen këto funksione:
 - a) përgatit materiale informuese për praktikën e mira të prodhimit bujqësor, praktikën e mira të përpunimit, praktikën e mira të higjienës, për aplikimin e sistemit HACCP dhe për praktikën e mira laboratorike;
 - b) bashkëpunon me institucione dhe organizma ndërkombëtare që trajtojnë çështjet e sigurisë ushqimore;
 - c) ushtron çdo funksion tjetër shtetëror të përcaktuar nga Këshilli i Ministrave në bazë të legjislativës në fuqi.
6. Një apo disa funksione të AKU-së lidhur me kontrollin zyrtar mund t'i delegohen një institucioni tjetër shtetëror me vendim të Këshillit të Ministrave.
7. Veprimtaritë, metodat dhe teknikat për kontrollin zyrtar kryen sipas parashikimeve të bëra në këtë ligj.

8. Inspektorët e AKU-së gëzojnë statusin e inspektorit sipas Ligjit për Inspektimin.
9. Marrëdhëniet e punësimit të nëpunësve të tjerë të AKU-së, jo inspektorë, rregullohen sipas dispozitave të parashikuara në Kodin e Punës.

Neni 34

Neni 63 shfuqizohet.

Neni 35

Neni 64, ndryshohet si më poshtë:

“1. AKU drejtohet nga Bordi i cili është përgjegjës për të siguruar që AKU-ja kryen misionin dhe përmbush detyrat e ngarkuara nga ky ligj. Ai përbëhet nga 7 anëtarë si më poshtë:

- a) 3 përfaqësues nga Ministria e Bujqësisë, Ushqimit dhe Mbrojtjes së Konsumatorit;
- b) një përfaqësues nga Ministria e Shëndetësisë;
- c) një përfaqësues nga Ministria e Financave;
- ç) një përfaqësues nga Ministria e Brendshme;
- d) Drejtori i Përgjithshëm i AKU

2. Kushtet që duhet të plotësojnë anëtarët e Bordit të përcaktuar në shkronjat a, b, c, ç, funksionet, të drejtat dhe detyrat dhe menyra e trajtimit financiar, përcaktohen me vendim të Këshillit të Ministrave, me propozimin e Ministrit të Bujqësisë, Ushqimit dhe Mbrojtjes së Konsumatorit.

3. Anëtarët e bordit zgjidhen për një mandat 4-vjeçar.

4. Kryetari i bordit propozohet nga anëtarët e bordit dhe emërohet nga Ministri i Bujqësisë, Ushqimit dhe Mbrojtjes së Konsumatorit për një periudhë dyvjeçare.

Neni 36

1. Neni 66 ndryshohet si më poshtë:

“Neni 66

Komiteti Shkencor i Vlerësimit të Riskut dhe panelet shkencore

1. Komiteti Shkencor i Vlerësimit të Riskut dhe Panelet Shkencore kanë në përbërje ekspertë, të pavarur. Anëtarët dhe kryetari i paneleve shkencore caktohen nga Ministri. Kryetarët e paneleve shkencore përbëjnë Komitetin Shkencor të Vlerësimit të Riskut.
2. Komiteti Shkencor i Vlerësimit të Riskut dhe panelet shkencore japin mendim shkencor për vlerësimin e riskut dhe çështje të tjera lidhur me sigurinë e ushqimit dhe ushqimit për kafshë.
3. Numri i paneleve shkencore, përbërja, funksionimi, mënyra e caktimit dhe e shkarkimit, pagesa e anëtareve si dhe të drejtat dhe detyrat e Komitetit Shkencor të Vlerësimit të Riskut dhe të paneleve shkencore përcaktohet me urdhër të Ministrit.
4. Komiteti Shkencor i Vlerësimit të Riskut jep mendime shkencore me kërkesë të Ministrit apo me nismën e tij.
5. Kërkesa e paraqitur nga Ministri, sipas pikat 4 të këtij neni shoqërohet me të gjithë informacionin e nevojshëm, dhe përcakton çështje shkencore për të cilën kërkohet mendim.
6. Komiteti Shkencor i Vlerësimit të Riskut jep mendimin e vet shkencor brenda periudhës së përcaktuar në kërkesën e Ministrit me përjashtim të rastit kur për rrethana objektive kjo nuk është e mundur.
7. Komiteti Shkencor i Vlerësimit të Riskut mund të refuzojë kërkesën, të propozojë që kërkesa të ndryshohet apo të kërkojë informacione shtesë, kur:
 - a) është paraqitur më shumë se një kërkesë për të njëjtën çështje shkencore;
 - b) kërkesa për dhënien e mendimit shkencor nuk shoqërohet me informacionin e nevojshëm apo gjykohet e paqartë;
 - c) Komiteti Shkencor i Vlerësimit të Riskut ka dhënë me parë mendimin e tij për çështjen shkencore për të cilën kërkohet mendim dhe çmon se nuk ka informacione të reja që duhen vlerësuar.”

Neni 37

Në fund të nenit 72 shtohen pika 6 me këtë përmbajtje:

“6. Detyrimi i akreditimit, sipas përcaktimit të pikës 4 të nenit 45 të këtij ligj bëhet i zbatueshëm 5 vjet pas hyrjes në fuqi të këtij ndryshimi.”

Neni 38

Ky ligj hyn në fuqi 15 ditë pas botimit në “Fletoren Zyrtare”.

KRYETARI

GRAMOZ RUÇI